

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 19 OKTOBER 2015, PUKUL 10.00 PAGI

Bil. 37

PERTANYAAN-PERTANYAAN BAGI JAWAB LISAN

1. PR-1333-L70723
Datuk Noor Ehsanuddin bin Mohd Harun Narrashid [Kota Tinggi] minta **PERDANA MENTERI** menyatakan adakah Kerajaan bercadang untuk membuat transformasi menyeluruh terhadap Majlis Keselamatan Negara (MKN) agar ianya lebih efektif dalam menangani cabaran yang kian kompleks terutama membabitkan keselamatan global mutakhir ini.
2. PR-1333-L69976
Dato' Seri Dr. Wan Azizah binti Wan Ismail [Permatang Pauh] minta **PERDANA MENTERI** menyatakan adakah Keseluruhan Perjanjian Malaysia 1963 iaitu 20 Perkara dengan Sabah dan 18 Perkara dengan Sarawak sudah dipenuhi, jika belum mengapakah ini berlaku dan jika belum adakah keseluruhan perjanjian akan ditunaikan serta apakah langkah terperinci termasuk garis masa untuk diberikan autonomi.
3. PR-1333-L69947
Dato' Shamsul Anuar bin Haji Nasarah [Lenggong] minta **MENTERI DALAM NEGERI** menyatakan tahap keselamatan negara ketika ini dan mengapa pengganas antarabangsa memilih Malaysia sebagai tempat perlindungan.
4. PR-1333-L70883
Tuan Loke Siew Fook [Seremban] minta **MENTERI KEWANGAN** menyatakan secara terperinci jumlah kutipan Cukai Barangan dan Perkhidmatan (GST) yang diterima oleh Kerajaan mengikut sektor dari 1 April 2015 sehingga 30 September 2015 dan bagaimana kutipan cukai tersebut dimanfaatkan.

5. PR-1333-L70968
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI SUMBER ASLI DAN ALAM SEKITAR** menyatakan Negara jiran Indonesia merupakan negara tunggal ASEAN yang masih belum menandatangani Perjanjian Pencemaran Udara Rentas-Sempadan (ATHP). Apakah langkah-langkah yang diambil Malaysia selaku Pengerusi ASEAN untuk memujuk Indonesia agar segera meratifikasi Perjanjian ATHP yang sepatutnya telah dimeterai pada tahun 2003.
6. PR-1333-L71402
Dato' Seri Abdul Hadi bin Awang [Marang] minta **PERDANA MENTERI** menyatakan sejauh mana bidang kuasa Jawatankuasa Konsultatif Nasional Mengenai Pembiayaan Politik (JKNMPP) dan bagaimana jawatankuasa ini mampu mengawal penggunaan jentera Kerajaan, sumbangan membeli undi dan pengisytiharan projek dalam kempen pilihan raya.
7. PR-1333-L71292
Datuk Wira Haji Ahmad bin Hamzah [Jasin] minta **PERDANA MENTERI** menyatakan sejauh manakah pertumbuhan ekonomi yang lebih perlahan, harga komoditi yang menurun dan nilai ringgit yang merosot yang telah menggugat sasaran kita untuk mencapai tahap ekonomi berpendapatan tinggi menjelang 2020 serta apakah usaha-usaha untuk menanganinya.
8. PR-1333-L69897
Dr. Azman bin Ismail [Kuala Kedah] minta **MENTERI KOMUNIKASI DAN MULTIMEDIA** menyatakan tentang persediaan negara kita dalam menghadapi kemungkinan serangan Siber (*Cyber attack*) yang berskala besar,terutamanya kepada sistem pertahanan negara dan pusat-pusat kewangan utama negara.
9. PR-1333-L69642
Tuan Khoo Soo Seang [Tebrau] minta **MENTERI SUMBER MANUSIA** menyatakan apakah butiran mengenai Sistem Insurans Pekerjaan (SIP) dan sumbangan yang perlu disalurkan di bawah sistem tersebut serta apakah kesan yang dikenalpasti kepada pihak perniagaan.
10. PR-1333-L70969
Dr. Ong Kian Ming [Serdang] minta **MENTERI PENDIDIKAN TINGGI** menyatakan dasar mengenai pengecualian bayaran balik pinjaman PTPTN untuk kepujian kelas 1 yang diperolehi melalui rayuan bagi kes borderline dan untuk program 1 + 2 dan 2 + 1 di institusi pendidikan tinggi swasta (IPTS).
11. PR-1333-L70640
Datuk Haji Datu Nasrun bin Datu Mansur [Silam] minta **MENTERI PENDIDIKAN** menyatakan melalui Pelan Pembangunan Pendidikan Malaysia 2013-2025 apakah usaha yang telah digerakkan oleh Kementerian dalam memberikan pendidikan seimbang di antara kawasan bandar dan luar bandar terutama dari aspek infrastruktur dan kemudahan teknologi.

12. PR-1333-L70513
Tuan Lim Kit Siang [Gelang Patah] minta **PERDANA MENTERI** menyatakan sama ada beliau mahu mengurangkan 50% bajet dan jumlah menteri di Jabatan Perdana Menteri untuk menjadi teladan berjimat-cermat dan berkesan dalam ekonomi gawat sekarang, memandangkan Kabinet pada tahun 1957 hanya mempunyai 10 ahli.
13. PR-1333-L71296
Dato' Noraini binti Ahmad [Parit Sulong] minta **PERDANA MENTERI** menyatakan langkah-langkah khusus Jawatankuasa Khas Ekonomi (JKE) yang ditubuhkan baru-baru ini dalam mengukuhkan kedudukan nilai ringgit dan mengembalikan keyakinan pelabur asing terhadap negara dalam suasana ketidakpastian ekonomi global masa kini.
14. PR-1333-L69730
Tan Sri Dato Sri William Mawan Ikom [Saratok] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah pihak Kementerian bercadang untuk menambahkan pembinaan unit rumah bagi Program Perumahan Rakyat di bandar-bandar utama di seluruh negara memandangkan keperluan memiliki rumah sendiri di kalangan rakyat jelata sangat penting ketika ini.
15. PR-1333-L70279
Dato' Fauzi bin Abdul Rahman [Indera Mahkota] minta **MENTERI SUMBER ASLI DAN ALAM SEKITAR** menyatakan apakah langkah-langkah yang telah dan akan diambil untuk mengawal pencemaran udara (seperti jerebu), pencemaran darat (seperti hampasan kilang Lynas, habuk-habuk ferro dan bauksit dari perlombongan) dan pencemaran sungai serta lautan (seperti hampasan Lynas dan habuk merah bauksit yang terdapat di daerah Kuantan dan persekitarannya).
16. PR-1333-L71515
Dato' Takiyuddin bin Hassan [Kota Bharu] minta **MENTERI PERTAHANAN** menyatakan sama ada Kerajaan bercadang membina sebuah Pengkalan TLDM di Kawasan Eastern Sabah Security Command (ESSCOM) untuk tujuan keselamatan negara.
17. PR-1333-L70561
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan apakah langkah-langkah Kerajaan dalam menyelamatkan pekerja yang diberhentikan kerja dalam keadaan kegawatan ekonomi sekarang.
18. PR-1333-L71249
Dato' Seri Tiong King Sing [Bintulu] minta **MENTERI PERDAGANGAN ANTARABANGSA DAN INDUSTRI** menyatakan :-
 - (a) berapa jumlah bajet tahunan diperuntukkan kepada pejabat luar negara untuk agensi seperti MATRADE dan MIDA sejak tahun 2010 hingga 2015 bagi tujuan penggalakan perdagangan dan pelaburan terutamanya di Jepun, Korea Selatan dan Taiwan; dan

- (b) apakah piawaian yang digunakan oleh MATRADE dan MIDA untuk menilai jumlah perdagangan atau pelaburan di setiap negara dalam menyediakan laporan tahunan.
19. PR-1333-L70689
Tuan Haji Hasbi bin Haji Habibollah [Limbang] minta **PERDANA MENTERI** menyatakan apakah hasil perbincangan di antara Kerajaan Negeri Sarawak dan Kerajaan Persekutuan berkaitan penurunan kuasa atau "otonomi" untuk Kerajaan Negeri Sarawak yang telah dipohon oleh Kerajaan Negeri Sarawak.
20. PR-1333-L71206
Tuan Haji Ahmad Lai bin Bujang [Sibuti] minta **PERDANA MENTERI** menyatakan apakah perkembangan terkini Program Perumahan PR1MA di Sarawak, adakah Projek PR1MA akan dilaksanakan di Sarawak bermula 2016 dan adakah lokasi telah dikenalpasti di kawasan utara Sarawak seperti Bandar Raya Miri.
21. PR-1333-L70249
Dr. Tan Seng Giaw [Kepong] minta **MENTERI KEWANGAN** menyatakan langkah-langkah yang paling berkesan untuk mempertahankan nilai ringgit.
22. PR-1333-L70700
Datuk Seri Noh bin Haji Omar [Tanjong Karang] minta **PERDANA MENTERI** menyatakan jumlah permit teksi individu yang telah dikeluarkan di bawah program Teksi 1 Malaysia dan adakah permohonan baru masih diterima untuk diluluskan memandangkan terdapat aduan yang menyatakan kesukaran untuk memohon permit teksi individu.
23. PR-1333-L71137
Tuan Anuar bin Abd. Manap [Sekijang] minta **MENTERI SUMBER MANUSIA** menyatakan garis panduan serta peraturan yang dikeluarkan pihak Kerajaan dalam memastikan pengambilan pekerja asing oleh majikan dibuat selaras dengan *Strict Liability* bagi memastikan kemasukan mereka tidak mengancam keselamatan negara.
24. PR-1333-L71347
Dr. Mohd Hatta bin Md. Ramli [Kuala Krai] minta **MENTERI SUMBER ASLI DAN ALAM SEKITAR** menyatakan apakah langkah yang dibuat bagi mengatasi masalah jerebu khususnya jerebu yang bersifat rentas sempadan yang kerap berlaku di Malaysia.
25. PR-1333-L71477
Tuan Sim Chee Keong [Bukit Mertajam] minta **MENTERI DALAM NEGERI** menyatakan di jabatan mana 11,757 anggota PDRM yang baru ditempatkan, serta statistik jumlah polis terkini mengikut pecahan jabatan, jantina dan negeri.
26. PR-1333-L71273
Tuan Mohamed Azmin bin Ali [Gombak] minta **MENTERI LUAR NEGERI** menyatakan apakah pendirian Kerajaan sebagai anggota ASEAN terhadap isu pelarian dan penghapusan etnik Rohingnya di Myanmar.

27. PR-1333-L71154

Tuan Hee Loy Sian [Petaling Jaya Selatan] minta **MENTERI KESIHATAN** menyatakan alasan untuk tidak meluluskan permohonan Dato' Seri Anwar Ibrahim untuk menjalani pembedahan mikro akibat masalah kedua belah bahu dan menjalani fisioterapi pada kekerapan yang betul di HKL atau PPUM.

28. PR-1333-L70908

Puan Kasthuriraani a/p Patto [Batu Kawan] minta **PERDANA MENTERI** menyatakan dengan jelas KPI bagi usaha-usaha Jawatankuasa Kabinet Hal Ehwal Masyarakat India selepas penubuhannya serta program-program konkrit yang telah diperkenalkan oleh Kerajaan bagi tujuan pembangunan etnik India di Malaysia dan sejauh manakah program-program tersebut berjaya untuk membangunkan taraf hidup etnik India di Malaysia.

29. PR-1333-L69827

Dr. Noor Azmi bin Ghazali [Bagan Serai] minta **MENTERI PERTANIAN DAN INDUSTRI ASAS TANI** menyatakan apakah langkah Kerajaan yang lebih serius seterusnya untuk menghentikan pencerobohan dan penganiayaan terhadap nelayan pantai dan menjejaskan pendapatan mereka khususnya di pesisir pantai Kuala Gula hingga ke sempadan Pulau Pinang, berikutan penggunaan pukuk kenka oleh nelayan-nelayan yang sepatutnya beroperasi di luar 5 batu nautika dari pantai dan dari 6 pagi hingga ke 6 petang.

30. PR-1333-L69658

Dr. Che Rosli bin Che Mat [Hulu Langat] minta **MENTERI PERDAGANGAN ANTARABANGSA DAN INDUSTRI** menyatakan :-

- (a) adakah masih ada insentif sama ada bentuk cukai atau gran pembangunan dalam pengeluaran kereta hybrid atau elektrik; dan
- (b) pengeluar kereta selain dari Proton yang bersama-sama mengeluarkan kereta hybrid dan elektrik dalam menjayakan hasrat Malaysia sebagai Hub Teknologi Hijau.

31. PR-1333-L71382

Tuan Ignatius Dorell Leiking [Penampang] minta **PERDANA MENTERI** menyatakan seiring dengan pembinaan penjara di Labuan, adakah Kerajaan akan memusatkan (*centralise*) badan kehakiman di bawah pentabiran Makahmah Tinggi Sabah dan Sarawak yang berpusat di Labuan untuk mendengar kes-kes sama ada sivil ataupun jenayah yang berdekatan dengan Kawasan Labuan seperti Beaufort dan sesetengah kawasan di Sarawak.

32. PR-1333-L71589

Puan Nurul Izzah binti Anwar [Lembah Pantai] minta **MENTERI KEWANGAN** menyatakan :-

- (a) berapakah kutipan GST dari 1 April hingga 30 September 2015 berbanding kutipan SST 1 April hingga September 2014; dan
- (b) berapakah kadar inflasi yang berkait dengan GST 1 April hingga 30 September 2015 untuk sektor perkhidmatan, kos barangan, pengangkutan dan kos sara hidup.

33. PR-1333-L70633
Dr. Ko Chung Sen [Kampar] minta **MENTERI KEWANGAN** menyatakan :-
- (a) senarai aset semasa yang dimiliki oleh 1MDB dan nilai setiap satunya, jumlah liabiliti dan hutang semasa 1MDB; dan
 - (b) jumlah bayaran faedah pada tahun ini dan 5 tahun yang lalu, dan sama ada bayaran faedah ini diservis oleh aliran tunai dalaman atau daripada pinjaman.
34. PR-1333-L69815
Dato' Haji Mahfuz bin Omar [Pokok Sena] minta **MENTERI DALAM NEGERI** menyatakan :-
- (a) nama syarikat yang dipilih untuk mengendalikan pengurusan kemasukan 1.5 juta orang pekerja asing dari Bangladesh serta cara pemilihan syarikat tersebut; dan
 - (b) berapakah jumlah dari yuran penempatan akan diterima oleh syarikat tersebut.
35. PR-1333-L70452
Tuan Wong Sze Phin @ Jimmy [Kota Kinabalu] minta **PERDANA MENTERI** menyatakan jumlah perbelanjaan ESSCOM mengikut jenis-jenis perbelanjaan sejak dilancarkan hingga kini. Adakah ESSCOM akan menggunakan pelantar minyak terbiar untuk tujuan pemantauan.
36. PR-1333-L69563
Datuk Sapawi bin Ahmad Wasali [Sipitang] minta **MENTERI KESIHATAN** menyatakan nisbah doktor pakar dengan jumlah penduduk di kedua-dua negeri Sabah dan Sarawak dan apakah perancangan untuk mengimbangi jurang tersebut untuk menyediakan kemudahan kesihatan terbaik kepada semua lapisan rakyat.
37. PR-1333-L70698
Tuan Manivanan a/l Gowindasamy [Kapar] minta **MENTERI KESIHATAN** menyatakan :-
- (a) apakah perkembangan dan status terkini pembinaan hospital di Parlimen Kapar setelah lokasi tanah telah dimaklumkan oleh Kerajaan Negeri Selangor. Apakah perkembangan secara terperinci yang telah berlaku dalam tempoh masa 1 Januari 2015 sehingga 15 Oktober 2015 dan bilakah Kerajaan Pusat berhasrat untuk memulakan pembinaan Hospital di Parlimen Kapar; dan
 - (b) apakah perkembangan dan status terkini mengenai proses penambahbaikan Klinik Kesihatan Kapar Baru yang akan menggantikan Klinik Kesihatan Lama di bawah RP3, RMK-10. Apakah perkembangan secara terperinci yang telah berlaku dalam tempoh masa 1 Januari 2015 sehingga 15 Oktober 2015.

38. PR-1333-L69520
Datuk Dr. Haji Abd. Latiff bin Haji Ahmad [Mersing] minta **PERDANA MENTERI** menyatakan apakah usaha Kerajaan dalam memperketatkan lagi kawalan keselamatan laluan Perairan Selat Melaka untuk memastikan selat ini bebas daripada ancaman serangan lanun dan rompakan bersenjata bagi menjamin keselamatan penggunaannya.
39. PR-1333-L69832
Tuan Lim Guan Eng [Bagan] mint **PERDANA MENTERI** menyatakan punca wang derma USD700 juta dalam akaun peribadi bank beliau. Bagaimana wang derma ini digunakan dan siapa penerimanya serta adakah beliau membayar cukai, membuat deklarasi rasmi (dokumen apa) dan jumlah baki yang dipegang sekarang. Nyatakan butiran akaun bank tersebut.
40. PR-1333-L70200
Datuk Joseph Salang anak Gandum [Julau] minta **MENTERI PENDIDIKAN** menyatakan langkah-langkah persiapan di sekolah-sekolah untuk menjadikan mata pelajaran Bahasa Inggeris sebagai salah satu mata pelajaran di mana calon-calon peperiksaan SPM wajib lulus dengan kredit.
41. PR-1333-L70413
Puan Teresa Kok Suh Sim [Seputeh] minta **PERDANA MENTERI** menyatakan berapa buah rumah yang telah dibuat oleh Kerajaan Persekutuan bagi mangsa banjir di Kelantan setakat 15 Oktober 2015. Sila nyatakan kawasan rumah baru dibuat dan perbelanjaan yang digunakan oleh Kerajaan untuk pembinaan rumah di Kelantan.
42. PR-1333-L70629
Dr. Ko Chung Sen [Kampar] minta **MENTERI KEWANGAN** menyatakan :-
(a) hasil tahunan, perbelanjaan dan penyata untung dan rugi bagi 1MDB sejak 2009; dan
(b) jumlah aliran tunai tahunan untuk 1MDB sejak 2009, dan cukai yang dibayar setiap tahun oleh 1MDB sejak 2009.
43. PR-1333-L70934
Tuan Ramkarpal Singh a/l Karpal Singh [Bukit Gelugor] minta **MENTERI SUMBER ASLI DAN ALAM SEKITAR** menyatakan punca berlakunya jerebu di Indonesia dan sama ada syarikat-syarikat yang dikatakan menyebabkannya sudah pun dikenal pasti. Sekiranya ya, nyatakan nama syarikat-syarikat tersebut.
44. PR-1333-L70419
Tuan Lim Lip Eng [Segambut] minta **PERDANA MENTERI** menyatakan :-
(a) siapa dan tujuan beri derma sebanyak AS\$700 juta yang dimasukkan ke akaun peribadi Perdana Menteri dan ke mana dana itu telah diguna pakai; dan
(b) sumber sebenarnya bayaran AS\$993 juta yang dilaporkan hilang daripada 1MDB kepada International Petroleum Investment Co. dan ke mana bayaran itu pergi disalurkan.

45. PR-1333-L70327
Tuan Wong Chen [Kelana Jaya] minta **MENTERI DALAM NEGERI** menyatakan langkah-langkah yang telah diambil oleh Kementerian untuk menangani ancaman kumpulan Islamic State (IS) pada tahun 2013, 2014, dan 2015.
46. PR-1333-L69777
Puan Siti Zailah binti Mohd Yusoff [Rantau Panjang] minta **MENTERI KEWANGAN** menyatakan secara terperinci perbelanjaan untuk bayaran balik pinjaman RM46 bilion 1MDB sehingga Oktober 2015.
47. PR-1333-L71356
Tan Sri Datuk Seri Panglima Annuar bin Musa [Ketereh] minta **MENTERI PENDIDIKAN** menyatakan kesediaan Kementerian bagi menjayakan sistem Pendidikan serta Latihan Teknikal dan Vokasional (TVET) bagi melahirkan golongan berkemahiran dan seterusnya bagi mencapai sasaran 60 peratus tenaga kerja daripada golongan berkemahiran bagi mencapai status negara maju kelak.
48. PR-1333-L70628
Dr. Ko Chung Sen [Kampar] minta **MENTERI KEWANGAN** menyatakan :-
- (a) imbuhan tahunan dan bonus yang dibayar kepada Ketua Pegawai Eksekutif 1MDB sejak ia ditubuhkan pada tahun 2009; dan
 - (b) imbuhan tahunan Pengerusi 1MDB sejak tahun 2009, dan imbuhan tahunan setiap Ahli Lembaga Pengarah 1MDB sejak 2009.
49. PR-1333-L70103
Tuan Nik Mohamad Abduh bin Nik Abdul Aziz [Pasir Mas] minta **MENTERI KEWANGAN** menyatakan adakah Kerajaan bercadang bagi memperhalusi semula pelaksanaan GST dalam keadaan kos sara hidup yang tinggi ketika ini.
50. PR-1333-L71486
Tuan Chua Tian Chang @ Tian Chua [Batu] minta **MENTERI PENGANGKUTAN** menyatakan sejak bilakah sistem KEJARA telah digantung. Mengapa sistem KEJARA yang diluluskan Kementerian kini dianggap tidak boleh dipakai lagi. Apakah tindakan yang telah diambil pihak Kementerian terhadap ke semua pesalah yang rekodnya masih lagi di sistem KEJARA.
51. PR-1333-L70117
Tuan Haji Nasrudin bin Hassan [Temerloh] minta **SUMBER ASLI DAN ALAM SEKITAR** menyatakan hasil perbincangan dengan negara Indonesia (18-20 September 2015) untuk menangani masalah jerebu.
52. PR-1333-L70855
Tuan Nga Kor Ming [Taiping] minta **MENTERI KEMAJUAN LUAR BANDAR DAN WILAYAH** menyatakan apakah sebab-sebab sebenar MARA mengambil keputusan berhenti menaja mahasiswa-mahasiswi menuntut ilmu di Universiti Taylor, Malaysia.

53. PR-1333-L69527
Datuk Jumat bin Idris [Sepanggar] minta **PERDANA MENTERI** menyatakan berapakah bilangan projek dan jumlah rumah yang sedang dan akan dibangunkan di kawasan Kota Kinabalu dan Sepanggar oleh PR1MA.
54. PR-1333-L69676
Datuk Juslie bin Ajirol [Libaran] minta **MENTERI PELANCONGAN DAN KEBUDAYAAN** menyatakan pendekatan strategik yang diambil bagi mengekalkan momentum pembangunan industri pelancongan negara terutama di Sabah dan bagaimana promosi di pasaran lain seperti pasaran ASEAN, pasaran Asia Selatan, pasaran Asia Barat, pasaran Oceania dan pasaran Eropah.
55. PR-1333-L71218
Dato' Hasbullah bin Osman [Gerik] minta **MENTERI PERUSAHAAN PERLADANGAN DAN KOMODITI** menyatakan apakah pola permintaan domestik dan antarabangsa terhadap komoditi utama negara rentetan kejatuhan nilai ringgit sejak tempoh 6 bulan yang lalu.
56. PR-1333-L70345
Tuan Gooi Hsiao-Leung [Alor Setar] minta **PERDANA MENTERI** menyatakan sama ada mengikut perenggan 3(1) (dibawah tajuk Kecualian dan Peralihan) Perintah Ahli Parlimen (Saraan) (Pindaan Jadual Pertama) 2015, untuk Ahli-Ahli Parlimen yang telah berhenti menjadi Ahli Parlimen dan sedang menerima pencen sejak sebelum 1.1.2009, adakah pencen mereka akan diselaraskan mengikut kenaikan gaji Ahli-Ahli Parlimen baru-baru ini.
57. PR-1333-L71151
Ir. Shaharuddin bin Ismail [Kangar] minta **MENTERI PERTANIAN DAN INDUSTRI ASAS TANI** menyatakan jumlah nelayan yang terjejas akibat cuaca jerebu yang melanda negara mengakibatkan para nelayan tidak boleh turun ke laut dan apakah tindakan Kementerian bagi membantu golongan berkenaan.
58. PR-1333-L69504
Dato' Wira Othman bin Abdul [Pendang] minta **MENTERI KEWANGAN** menyatakan apakah langkah-langkah jangka pendek dan jangka panjang untuk mengawal kejatuhan mata wang negara.
59. PR-1333-L70162
Tuan Idris bin Haji Ahmad [Bukit Gantang] minta **MENTERI PENDIDIKAN TINGGI** menyatakan jumlah pelajar yang dibuang daripada Institut Pengajian Tinggi Awam (IPTA) kerana disabit kesalahan moral daripada tahun 2010 hingga September 2015.
60. PR-1333-L70553
Datuk Bung Moktar bin Radin [Kinabatangan] minta **MENTERI SUMBER ASLI DAN ALAM SEKITAR** menyatakan apakah tindakan yang telah dan akan diambil oleh pihak Kementerian bagi menyelesaikan fenomena jerebu yang berulang kali berlaku di negara ini yang sering menimbulkan pelbagai masalah seperti gangguan terhadap aktiviti harian dan kesan negatif terhadap alam sekitar.

61. PR-1333-L70937

Dato' Abd. Aziz bin Haji Sheikh Fadzir [Kulim Bandar Baharu] minta **MENTERI DALAM NEGERI** menyatakan jumlah kes yang telah dilaporkan dan berjaya diselesaikan selepas POTA diperkenalkan. Adakah punca kemasukan pengganas antarabangsa ke dalam negara disebabkan oleh masalah integriti dan disiplin pegawai agensi Kementerian serta apakah perancangan jangka masa panjang Kementerian dalam mengurangkan indeks kadar jenayah dalam negara.

62. PR-1333-L69862

Datuk Seri Panglima Haji Abdul Ghapur bin Haji Salleh [Kalabakan] minta **MENTERI DALAM NEGERI** menyatakan :-

- (a) sejauh manakah keberkesanan tindakan Perintah Berkurung di persisiran Pantai Timur Sabah yang sudah beberapa kali dilanjutkan; dan
- (b) apakah Kementerian sedar bahawa pendatang tanpa izin dari negara-negara jiran masih berulang alik setiap hari ke Sabah.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Kewangan**

- * Rang Undang-undang Perbekalan 2016.

2. **Menteri Kewangan**

- * Rang Undang-undang Kumpulan Wang Simpanan Pekerja (Pindaan) 2015.

3. **Menteri Kewangan**

- * Rang Undang-undang Perbadanan Insurans Deposit Malaysia (Pindaan) 2015.

4. **Menteri Perdagangan Dalam Negeri, Koperasi dan Kepenggunaan**

- * Rang Undang-undang Syarikat 2015.

5. **Menteri Perdagangan Dalam Negeri, Koperasi dan Kepenggunaan**

- * Rang Undang-undang Skim Kepentingan 2015.

* Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

1. Perdana Menteri akan mencadangkan:-

“Bahawa mengikut peruntukan Peraturan 76, Peraturan-Peraturan Majlis Mesyuarat Dewan Rakyat, saya mohon mencadangkan supaya Yang Amat Berhormat Dato’ Seri Dr. Ahmad Zahid bin Hamidi, Ahli Parlimen Bagan Datok Timbalan Perdana Menteri merangkap Menteri Dalam Negeri menggantikan Yang Berhormat Tan Sri Dato’ Haji Muhyiddin bin Mohd. Yassin, Ahli Parlimen Pagoh; Yang Berhormat Datuk Seri Dr. S. Subramaniam, Ahli Parlimen Segamat, Menteri Kesihatan menggantikan Yang Berhormat Datuk Seri Palanivel s/o Govindasamy, Ahli Parlimen Cameron Highlands dan Yang Berhormat Dato’ Seri Dr. Wan Azizah Wan Ismail, Ahli Parlimen Permatang Pauh menggantikan Datuk Seri Anwar Ibrahim, bekas Ahli Parlimen Permatang Pauh dilantik sebagai salah seorang daripada enam orang Ahli Jawatankuasa Pemilihan di bawah Peraturan Mesyuarat 76 untuk tempoh Parlimen Ketiga Belas.”

2. Perdana Menteri akan mencadangkan:-

“Bahawa Yang Berhormat Dato’ Hasan bin Arifin, Ahli Parlimen Rompin dipilih menggantikan Yang Berhormat Datuk Nur Jazlan bin Mohamed, Ahli Parlimen Pulau sebagai Pengerusi Jawatankuasa Kira-kira Wang Negara bagi Parlimen Ketiga Belas.”

- | | | | |
|----|----------------|---|-------------------------------|
| 3. | (D.R. 24/2015) | Rang Undang-undang Profesion Kesihatan Bersekutu 2015 | Bacaan Kali Yang Kedua |
| | | [Menteri Kesihatan] | |
| 4. | (D.R. 9/2015) | Rang Undang-undang Kanun Tatacara Jenayah (Pindaan) 2015 | “ |
| | | [Menteri Dalam Negeri] | |
| 5. | (D.R. 12/2015) | Rang Undang-undang Keterangan (Pindaan) 2015 | “ |
| | | [Menteri di Jabatan Perdana Menteri] | |
| 6. | (D.R. 24/2014) | Rang Undang-undang Dadah Berbahaya (Pindaan) (No. 2) 2014 | “ |
| | | [Menteri Kesihatan] | |

7. PR-1333-U69963

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa sejak akhir-akhir ini, dan Gerakan Sabah-Sarawak keluar Malaysia (SSKM) kian mendapat perhatian dan sokongan dari sebilangan kecil rakyat dari kedua-dua negeri ini. Bahawa Dewan ini mengambil maklum bahawa, terdapat rungutan-rungutan di kalangan rakyat negeri Sabah dan Sarawak dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak ditunaikan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan di tambah buruk pula dengan pemberian status warga Negara kepada mereka ini. Dan mengambil maklum juga bahawa, setiap kali isu 20 perkara (bagi Negeri Sabah) dan 16 perkara (bagi Negeri Sarawak) dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai satu tahap di mana mereka secara terbuka mengelarkan diri mereka sebagai aktivis Sabah-Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan Undang-undang semata-mata untuk menghalang mereka ini bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan keadaan lagi di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak perihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka yang mengelarkan diri mereka sebagai SSKM ini.”

[Menteri Dalam Negeri]

8. PR-1333-U69964

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, terdapat rungutan-rungutan di kalangan rakyat bahawa sejak akhir-akhir ini, perpaduan, keharmonian, kesejahteraan dan kerjasama antara rakyat negara ini yang terdiri dari berbilang kaum dan agama telah terhakis. Dan mengambil maklum juga, antara isu utama menyebabkan perkara ini berlaku kerana terdapat golongan tertentu yang memainkan isu bangsa dan agama sewenang-wenangnya serta rakyat merasakan tidak ada tindakan tegas yang diambil bagi menangani masalah ini. Dan mengambil maklum juga bahawa, Perhimpunan Bersih 4 dan Perhimpunan Rakyat Bersatu baru-baru ini telah menanamkan bibit kebencian serta syak wasangka antara kaum di negara ini. Dan mengambil maklum juga bahawa, Rukun Negara sebagai tonggak perpaduan, keharmonian, kesejahteraan dan kerjasama antara rakyat negara ini secara tidak langsung tidak lagi dihormati dan dipatuhi.

Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka ini. Kerajaan juga hendaklah menguatkuasakan segala peruntukan Undang-undang yang ada bagi menghalang mana-mana demokrasi atau perjumpaan umum yang membangkitkan isu bangsa dan agama, yang boleh menggugat perpaduan, keharmonian, kesejahteraan dan kerjasama antara rakyat negara ini."

[Perdana Menteri]

9. PR-1333-U69965

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat laporan mengatakan bahawa operasi bot lautan dalam yang beroperasi di negara ini tidak mendatangkan faedah kepada negara ini secara total. Dan mengambil maklum juga, antara isu utama yang disuarakan dalam laporan ini adalah, para pengusaha bot lautan dalam ini menjual minyak diesel bersubsidi kepada bot-bot asing. Dan mengambil maklum bahawa, terdapat juga laporan bahawa tangkapan bot lautan dalam ini dijual kepada nelayan asing yang menawarkan harga yang lebih baik. Dan mengambil maklum juga bahawa, kedua-dua aktiviti yang disebutkan ini telah mendatangkan kerugian yang besar kepada negara ini, sama ada dari segi subsidi diesel mahupun dari segi tangkapan hasil lautan di negara ini dijual ke negara asing. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu sistem kawalan yang bersepadu bagi memastikan bahawa semua diesel bersubsidi digunakan dengan niat asal serta tangkapan tersebut hendaklah dipasarkan di negara ini."

[Menteri Pertanian dan Industri Asas Tani]

10. PR-1333-U69966

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, isu 1MDB telah mencemarkan nama baik Kerajaan dan Negara Malaysia pada umumnya. Dan mengambil maklum juga, isu 1MDB telah sedikit sebanyak menghakis kepercayaan pelabur asing kepada Sistem Pelaburan di Negara ini. Dan mengambil maklum juga bahawa, isu 1MDB telah disensasikan melalui media sosial, media elektronik dan media asing dengan sewenang-wenangnya yang menggambarkan bahawa syarikat milik Kerajaan ini hampir muflis dan liabilitinya perlu ditanggung oleh Kerajaan. Dan mengambil maklum juga bahawa, hasil daripada kemuskilan ini, rakyat pada umumnya mempersoalkan cara kerja Kerajaan mentadbir 1MDB sehingga mengalami kerugian yang besar dan terpaksa menanggung liability 1MDB."

Maka, bagi menangani masalah ini, Dewan Yang Mulia ini hendaklah mengambil ketetapan bahawa, Kerajaan hendaklah memperjelaskan secara terperinci mengenai model perniagaan 1MDB kepada umum agar satu gambaran yang telus dapat mereka perolehi serta mengembalikan kebolehpercayaan rakyat kepada Kerajaan masa kini.”

[Menteri Kewangan]

11. PR-1333-U70485

Tuan Ng Wei Aik [Tanjong] akan mencadangkan:-

“Bahawa Dewan Rakyat ini mengambil ketetapan untuk mengutuk Perhimpunan Rakyat Bersatu yang diadakan pada 16 September 2015 yang sifatnya berbau perkauman serta bertujuan mengapi-apikan sentimen perkauman, termasuk menuntut supaya sekolah-sekolah Cina ditutup, menggelar anggota-anggota polis yang bertugas sebagai “barua Cina”, cuba menimbulkan kekecohan di Jalan Petaling serta mempersoalkan keperluan “Little India” diwujudkan dan tindakan-tindakan yang sewajarnya harus diambil terhadap pihak penganjur dan pihak-pihak yang harus bertanggungjawab.”

[Menteri Dalam Negeri]

12. PR-1333-U70272

Tuan M. Kulasegaran [Ipoh Barat] akan mencadangkan:-

“Bahawa Dewan ini mengambil maklum demi kepentingan negara dan masyarakat sejagat pandangan serius terhadap kestabilan ekonomi dan kemajuan negara harus diberi perhatian sepenuhnya. Oleh yang demikian Dewan ini perlu mengambil maklum mengenai perkara ini dan mengarahkan Kerajaan untuk mengatasi masalah ini.”

[Perdana Menteri]

13. PR-1333-U70255

Dr. Tan Seng Giaw [Kepong] akan mencadangkan:-

“Bahawa Menteri Kewangan membincangkan cara-cara yang diambil untuk mempertahankan nilai ringgit.”

[Menteri Kewangan]

14. PR-1333-U70256

Dr. Tan Seng Giaw [Kepong] akan mencadangkan:-

“Bahawa Menteri Sumber Asli dan Alam Sekitar mendebatkan masalah jerebu di rantau ini.”

[Menteri Sumber Asli dan Alam Sekitar]

15. PR-1333-U71552

Tuan Fong Kui Lun [Bukit Bintang] akan mencadangkan:-

“Bahawa Kerajaan mempergiatkan usaha untuk menyatu padukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia.”

[Perdana Menteri]

16. PR-1333-U71553

Tuan Fong Kui Lun [Bukit Bintang] akan mencadangkan:-

“Bahawa Kerajaan memulihkan pilihan raya Kerajaan Tempatan seluruh negara supaya urus tadbir Kerajaan menjadi cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat.”

[Menteri Kesejahteraan Bandar, Perumahan dan Kerajaan Tempatan]

17. PR-1333-U69805

Dato' Kamarudin bin Jaffar [Tumpat] akan mencadangkan:-

“Bahawa Dewan ini memutuskan untuk Malaysia menerima masuk, memberi perlindungan dan akhirnya memberikan taraf kewarganegaraan kepada 1000,000 orang rakyat negara Syria daripada jutaan orang yang sekarang menjadi pelarian di Turki dan Eropah.”

[Perdana Menteri]

18. PR-1333-U69806

Dato' Kamarudin bin Jaffar [Tumpat] akan mencadangkan:-

“Bahawa Dewan ini merakamkan perasaan sedih dan kecewa bahawa perjalanan kerja-kerja Jawatankuasa Kira-kira Wang Negara (PAC) telah tergendala oleh beberapa sebab dan dengan ini memutuskan untuk meminta Tuan Yang di Pertua Dewan Rakyat dengan segera melicinkan semula perjalanan Jawatankuasa itu.”

[Perdana Menteri]

19. PR-1333-U69807

Dato' Kamarudin bin Jaffar [Tumpat] akan mencadangkan:-

“Bahawa Dewan ini amat tidak berpuas hati dengan kemajuan pembinaan rumah-rumah untuk mangsa banjir negeri Kelantan. Oleh itu Dewan ini mendesak Kerajaan Pusat berusaha dengan lebih gigih lagi bersama dengan Kerajaan Negeri Kelantan untuk melipatgandakan usaha pembinaan rumah-rumah tersebut.”

[Perdana Menteri]

20. PR-1333-U70769

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, hubungan antara kaum mutakhir ini makin meruncing dan jika tidak dibendung akan mencapai tahap amat merbahaya dan akibatnya negara akan hancur seperti yang terjadi di negara-negara lain yang sedang bergolak akibat isu perkauman.

Bila rakyat Malaysia berbangsa Dayak, Kadazan, Orang Asal, Cina, Melayu, Jawa, Bugis atau apa suku kaum sekalipun mengkritik dan mempersoalkan hal tatakelola Negara dan kepimpinan Perdana Menteri dan Kabinetnya, rakyat tidak mempersoalkan ras Perdana Menteri. Rakyat mempersoal Perdana Menteri atas kapasiti beliau sebagai Ketua Eksekutif Negara. BERSIH 4.0 menganjurkan demo jalanan kerana mendesak Perdana Menteri memberi jawapan kepada banyak persoalan yang tidak terjawab. Soal 1MDB, Derma RM 2.6 bilion, Pertukaran Pegawai-pegawai SPRM, Penamatan khidmat Tan Sri Gani Patail sebagai Pendakwa Raya, pembebasan Abdul Razak Baginda yang rapat dengan Perdana Menteri dalam kes pembunuhan Altantuya Shaaribuu yang amat memalukan negara dan banyak lagi isu yang amat-amat mendesak yang tidak dijawab oleh Perdana Menteri secara meyakinkan. Untuk itu Kerajaan mesti membezakan mengkritik Perdana Menteri bukan mengkritik bangsa Perdana Menteri tetapi kerana Perdana Menteri adalah Ketua Eksekutif Negara yang sememangnya boleh dikritik yang dibenarkan oleh sistem pemerintahan yang diamalkan di negara ini.”

[Perdana Menteri]

21. PR-1333-U70770

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, bila UMNO dan NGO yang menyokong UMNO menganjurkan demo jalanan bertemakan Himpunan Maruah Melayu pada 16 September 2015 yang kemarahan disasarkan kepada rakyat kaum Cina, yang dikatakan mendominasi Himpunan BERSIH 4.0 pada 29 dan 30 Ogos 2015, penganjur memilih kaum Cina sebagai fokus serangan. Penganjur membawa posters dan banners bertulis kata-kata provokasi dan perkauman yang amat merbahaya seperti “Ini Tanah Melayu, Cina boleh keluar”. “Bawa parang dan keris. Takut Cina. Umno perlukan anda”.

Sedangkan yang keluar dijalanan pada 29 dan 30 Ogos 2015 rakyat dari berbagai kaum termasuk Melayu dan Bumiputra yang lain. Kaum lain selain Cina juga menyuarakan perasaan tidak puas hati mereka terhadap Perdana Menteri. Di mana yang dikatakan Cina menghina Melayu dan Maruah Melayu dicabar. Kerajaan mesti berjiwa besar. Walaupun Kerajaan Barisan Nasional diterajui oleh UMNO dan Melayu tetapi rakyat negara ini terdiri dari berbagai bangsa yang wajib dilindungi dan dihormati.”

[Perdana Menteri]

22. PR-1333-U70772

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, penyakit Denggi akibat jangkitan nyamuk di Malaysia telah mencapai satu tahap yang merbahaya. Lebih parah kematian akibat penyakit ini sudah diterima sebagai satu yang lumrah dan tidak ada rasa bersalah oleh pemerintah. Kerajaan sepatutnya menubuhkan satu institusi khas bagi melawan wabak ini dengan memberikan peruntukan kewangan yang secukupnya serta membekalkan berbagai pakar bagi menjadikan institusi ini betul-betul memberi tumpukan dan perhatian kepada masalah yang begitu lama tidak dapat diselesaikan.

Malaysia mesti memainkan peranan utama dan boleh menjadi juara dalam memerangi penyakit ini bukan sahaja di rantau ini malah di dunia. Kerajaan mesti serius dan komited dalam hal ini.”

[Menteri Kesihatan]

23. PR-1333-U70774

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, Kementerian Belia dan Sukan banyak memberi tumpuan kepada pembangunan sukan tetapi meninggalkan pembangunan belia di belakang. Setiap tahun ribuan anak-anak Malaysia yang keluar dari sekolah dan ramai yang tidak melanjutkan pelajaran ke pengajian tinggi atas berbagai sebab dan alasan. Akibat tidak ada program wajib yang mesti diikuti dan disertai oleh mereka, mereka menjadi satu eset yang amat bernilai yang terbiar dan tidak dimanfaatkan sepenuhnya. Adalah dicadangkan anak-anak ini, didaftarkan dan diwajibkan menyertai Khidmat negara selama dua tahun seperti yang dilakukan dikebanyakkan negara. Semasa dalam program ini, pilih dua atau tiga bidang ilmu yang boleh memberi menafaat berterusan bila mereka tamat program nanti. Sebagai contoh, ilmu motor mekanik dan elektrik. Selepas dua tahun mereka boleh berdikari dan bantuan susulan boleh diusahakan. Untuk memastikan program ini berjaya ianya mesti dilaksanakan sebagai program wajib dan dikembangkan dengan elemen ketenteraan.”

[Menteri Belia dan Sukan]

24. PR-1333-U70776

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, kegiatan merempit oleh anak-anak muda khasnya anak Melayu amat memalukan bangsa dan Kerajaan. Kerajaan seolah-oleh tidak ada jawapan pada permasalahan ini. Mereka yang merempit bukan sahaja membahayakan nyawa mereka juga nyawa orang awam. Adalah dicadangkan pihak polis menggunakan anggota Cawangan Khas bagi meninjau dan kenal pasti ketua kumpulan ini dan menahan mereka atas undang-undang yang sedia ada. Penahanan mereka hendaklah dihebahkan dalam akhbar dan media elektronik. Menahan mereka untuk beberapa malam di lokap dan jika ada bukti yang cukup mendakwa mereka di mahkamah akan menghantar mesej yang jelas bahawa kegiatan mereka amat merbahaya dan amat dibenci oleh masyarakat. Ini mesti dilakukan secara konsisten bukan berkala.”

[Menteri Dalam Negeri]

25. PR-1333-U71195

Tuan Hee Loy Sian [Petaling Jaya Selatan] akan mencadangkan:-

“Bahawa Dewan ini mengemukakan Undi Tidak Percaya terhadap Perdana Menteri Datuk Seri Najib Tun Razak atas alasan penerimaan “Wang Derma” berjumlah RM2.6 billion yang pada mulanya dinafikan, kemudiannya mengugut untuk menyaman akhbar Wall Street Journal dan akhirnya mengakui wang tersebut diperolehi daripada individu yang berasal dari Timur Tengah. Dengan tidak menjelaskan mengapa “Wang Derma” ini dimasukkan ke akaun peribadi dan bukan atas nama parti, Dewan juga tidak berpuas hati ke atas siasatan skandal 1MDB yang berlaku di mana “Special Task Force” yang sepatutnya menyiasat skandal ini dibubarkan tanpa memberi sebarang alasan sehingga Peguam Negara Tan Sri Abdul Gani Patail ditamatkan perkhidmatan, pegawai SPRM dipindahkan, pihak polis mengganggu siasatan SPRM dan Bank Negara, Public Account Committee (PAC) yang sedang menjalankan siasatan terhadap kes 1MDB tidak berfungsi akibat daripada empat anggota PAC yang terbabit telah dilantik menjadi Menteri atau Timbalan Menteri oleh Perdana Menteri, Pengarah Cawangan Khas (SB) diberhentikan, Timbalan Pengarah Cawangan Khas dipindahkan ke Jabatan Perdana Menteri tanpa diberi tugas. Disebabkan masalah yang dinyatakan, Perdana Menteri Datuk Seri Najib Tun Razak telah menjejaskan imej Negara di dunia dan menyebabkan pelabur tidak yakin terhadap Kerajaan sekarang sehingga ekonomi menjadi tidak stabil, serta pasaran saham menjunam teruk dan kejatuhan nilai wang ringgit Malaysia berbanding dengan dolar Amerika Syarikat. Maka rakyat Malaysia tidak lagi percaya terhadap Perdana Menteri dan dengan ini Dewan hendaklah mengambil ketetapan untuk mengemukakan Undi Tidak Percaya terhadap Perdana Menteri.”

[Perdana Menteri]

26. PR-1333-U70806

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gegaja pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama.”

[Menteri Kesejahteraan Bandar, Perumahan dan Kerajaan Tempatan]

27. PR-1333-U70808

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

[Menteri Dalam Negeri]

28. PR-1333-U70809

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

[Menteri Pendidikan]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2015</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.82	Laporan Tahunan Suruhanjaya Integriti Agensi Penguatkuasaan (EAIC) Bagi Tahun 2014.	19 Oktober 2015
ST.94	Laporan Tahunan dan Penyata Kewangan Lembaga Perkhidmatan Kewangan Labuan (Labuan FSA) Bagi Tahun 2014.	19 Oktober 2015
ST.95	Laporan Tahunan dan Penyata Kewangan LGM Properties Corporation Bagi Tahun 2014.	19 Oktober 2015
ST.96	Laporan Tahunan dan Penyata Kewangan Bank Simpanan Nasional Bagi Tahun 2014.	19 Oktober 2015
CMD.49	Laporan Tahunan Suruhanjaya Perkhidmatan Pelajaran Bagi Tahun 2014	19 Oktober 2015